



Senin, 30 Juli 2024

Ogen: Kuan-kuanen 27:5-6



Adi Teman, Mehuli Kap!



Musuh dalam selimut, enda si megati jadi i bas pertemanenta. Si akap teman, imbang kepe. Si akap ia imbang tapi ia nge si nampati. Judas Iskariot iemana Jesus, nuduhkan maka itandaina janah erteman ras Jesus. Ngema Jesus, e kin nuduhkan erteman alu payo?

Adi teman, mehuli kap ukurna amin pe ipekpekna kita, tapi elem-elem ate imbang, aminna pe iemana kita. La kin bage nge si ituduhkan Judas Iskariot nandangi Jesus? Tempa temanna Jesus e tapi ipetangkapkenna man tentara Romawi. Teman si mehuli e labo pura-pura. Entah erbahan ukur kalak senang saja. Teman si mehuli adi nggit mandang temanna i bas kesalahen si ibahanna. Pandangna pe ban atena keleng. Teman si mehuli nggit mereken waktuna, gegehna, duitna lako nampati temanna, janah labo erkira-kiran i bas nampati teman.

Tanggal 30 Juli, enda igelari *wari persahabatan internasional*. Persahabatan enda megati si kataken pertemanen si mehuli. I bas wari e si rayaken me perbahanen-perbahanen si mehuli man temannta, man keluarganta, man anak jabunta. Wari persahabaten e pe nuduhkan kita ngasup ngaloken perbedan ras suku-suku si deban ras warga negara si deban. Amin pe kita pelain-lain i bas suku, bahasa ras bangsa tapi kita kerina sahabat. Arah kita ngsup ngaloken kalak si deban, si labo seri ras kita, e enggo banci engkurangi konflik ras mpeturah perdamen. Enda me tujunna wari persahabaten e.

Jesus enggo ncidahkan perbahanen si mehuli e. Aminna pe idayaken temanna IA, ialemiNa, janah ialokenNa temanNa uga litna. Enda me si jadi usihennta, ngaloken teman i bas kinierbagen ras tetap ngasup ngalemi.